

# Zwey schöne lie-

der / Eyn Geystlichs vnd ein  
weltlichs / von der Königin vß Hun-  
gern / Frawen Maria / vnd irem ges-  
mahel König Ludwig als er vß jr  
in streyt zoch wider den Türcken /

Daz erste / Im Thon / Vngnad

Beger ich nit von jr. Das

annder Im Thon. Es

wonet lieb bey

liebe.

250

AD BIBL.  
UNIVERS.  
MONAC.

**W**ag ich vnglück nit wider stan/  
 muß vngnad han/ vmb meinen  
 rechten glauben/ So wais ich  
 doch Gott ist mein kunst / sein hulde  
 vnd gunst/die muß man mir erlaus  
 ben/Gott ist nit weit / ein klaine zeit/  
 er sich verbirgt/ bis er erwürgt/ die  
 mich auch seines worts so rein/berau  
 ben/bie mit list/sterck meinen glaubē  
 Jesu Christ.

**N**icht wie ich wöll yetzund mein  
 sach/weyl ich bin schwach / vnnnd  
 mich Gott forcht lest finden / So  
 doch kein gwalt bleibt fest/ der nit zū  
 letzt/als zeitlich muß verschwindē/Dz  
 ewig guet/macht rechten müt/ dabey  
 ich k<sup>o</sup>ß wag guet vnd leib/Got helf  
<sup>mir</sup> / mit freuden die/zū vberwin  
 den thon/ Hilff Herre ich ruff dich an

**A**ls dings ein weil ein sprichwort  
 ist/ Herz Jesu Christ / du selbst  
 wirst für mich streitten / Vnnnd

sehen auff das vnglück mein/ als wer  
 es dein/ soß wider mich wird reüthen/  
 Mus ich denn dran / auff diser plan/  
 welt wie du wilt/ Gott ist mein schilt/  
 glück zü glück zü/ spat vnnde frue/  
 auff vnser seyten schnell / O Herre  
 Gott hilff meiner seel.

# Ein anders lied

Im Thon/ Es wonet lieb  
 bey lieb.

¶ Ach Gott was soll ich singen  
 Mein freud die ist mir fere  
 Seyt sich von mir wil schwingen  
 Mein aller liebster Herz  
 Seyt das im ist kummen potschafft  
 Das lig im Hungerlande  
 Der Türck mit heeres krafft.

¶ Wölt ir euch von mir schaiden  
 O wee ob allem wee  
 Bringt meinem hertzen leyden

Sörcht ich sech euch nicht mee  
 Er sprach es mag nit anders sein  
 Ich muß helffen erretten  
 Das vatterlande mein

¶ Wann mich thuet hart erbarmen  
 In meines hertzen grund  
 Im ganzen Lanndt der armen.  
 Die der Türckische hundt  
 Ellend erwürgt in disem krieg  
 Ich wil bald wider kummen  
 Verleycht vnns Gott den sieg.

¶ Also schied er von hinnen  
 Der außerswelte mein  
 Mit Ritterlichen sinnen  
 Bot mir die hande sein  
 Den ich darnach sach nymmer mer  
 Mit seiner Ritterschafft  
 Mit Roß harnisch vnnnd wehr

Mein hertz das war mir schwere  
 N<sup>u</sup> gen jamer flag  
 Je unger vnnnd je mere  
 Die nacht bis an den tag  
 Wol vmb den liebsten Herzen mein  
 Mit senen vnnnd verlangen  
 Mit angstlicher pein.

¶ Darnach in dreyen tagen

Kam mir trawrig potschafft  
 Wie der Türckh het geschlagen  
 Mit seiner herres Krafft  
 Das hungerisch heer mit grosser schlacht  
 So dann mein lieber herze  
 Sein volckh zusamen bracht.

¶ Dazzu wer auch verloren  
 Mein aller liebster herz  
 König Ludwig hochgebozen  
 Das nun in weit vnnnd fern  
 Nit weste oder finden kunde  
 Ob er noch wer bey leben  
 Gefangen oder wunde

¶ Erst ward mein hertz im leybe  
 Durch gossen mit onmacht  
 Wer sandt betrübters weybe  
 Mein hertz schray vnnnd gedacht  
 O du liebster gemahel mein  
 Sol ich dich nymmer sehen  
 Vnnnd ewig on dich sein.

Erst meret sich mein schmerzen  
 Vnnnd vnaussprechlich flag  
 Mit gannz betrübtem hertzen  
 Verzeer ich manchen tag  
 Hin was mein freünd wunn vnnnd trost  
 Fürbas kein freünd auff erden  
 Mein hertzen wird genos.

¶ Nach dem der Tärck auch kame  
 Vnnd Ofen die Hauptstat  
 Gewaltiglich einname  
 Vnnd auch verwüestet hatt  
 Das guet vnnd reiche Hungerlanndt  
 Die leut fieng vnnd erwürget  
 Stett vnnd Dörffer verbrandt.

¶ Nun muess mich ymner trewen  
 Mein edler Herr frumb  
 Das er in solchen trewen  
 Für sein volckh kame vmb  
 Vnnd mich verlies trostlos ellend  
 Die weyl ich leb auff erden  
 Gott es zum besten wendt.  
 N N R N.

256

Faint, illegible text, possibly bleed-through from the reverse side of the page. The text is arranged in several lines and is significantly obscured by dark ink stains and water damage.

